

悉歡喜發菩提心舍利弗阿難等聞佛所說
禮佛而退

請觀世音菩薩消伏毒害陀羅尼咒經

佛說十一面觀世音神咒經

能七

十三

宇文周世天竺三藏耶舍崛多等譯

如是我聞一時佛在王舍城耆闍崛山中與
無量菩薩摩訶薩大衆俱前後圍繞爾時觀
世音菩薩摩訶薩與無數持咒賢聖俱前後

圍繞來詣佛所到佛所已五體投地頂禮佛
足禮佛足已繞佛三匝却坐一面時觀世音
菩薩白佛言世尊我有心咒名十一面此心
咒十一億諸佛所說我今說之我爲一切衆
生故欲令一切衆生念善法故欲令一切衆
生無憂惱故欲除一切衆生病故爲一切障
難災怪惡夢欲除滅故欲除一切橫病死故
欲除一切諸惡心者令調柔故欲除一切諸
魔鬼神障難不起故世尊我未曾見若天若
魔若梵若帝釋若沙門若婆羅門等有能受

持如是呪者若讀若誦書寫流布或以此呪防護其身或以此呪呪水澡浴其身或入陣鬪戰或爲毒所中誦此呪故一切諸橫無所能爲唯宿殃不除此呪一切諸佛所念我此呪一切諸佛所說世尊我憶過恒河沙數劫外有一佛名百蓮華眼頂無障礙功德光明王如來我於爾時在彼佛所作大持呪仙人中王於彼佛所方得此呪得此呪時十方諸佛皆觀目前觀見佛已忽然即得無生法忍當知此呪有如是神力亦能利益無量衆生

故當知善男子善女人有能晝夜慇懃讀誦勿令忘失誦此呪時更莫他緣於晨朝時洗浴其身若不洗浴當漱口澡手誦持此呪一百八遍持此呪者現身即得十種果報何等爲十一者身常無病二者恒爲十方諸佛憶念三者一切財物衣服飲食自然充足恒無乏少四者能破一切怨敵五者能使一切衆生皆生慈心六者一切蠱毒一切熱病無能侵害七者一切刀杖不能爲害八者一切水難不能漂溺九者一切火難不能焚燒十者

能七

十四

不受一切橫死是名為十現身復得四種果報何者為四一者臨命終時得見十方無量諸佛二者永不墮地獄三者不為一切禽獸所害四者命終之後生無量壽國世尊我念過恒河沙數劫復過恒河沙數劫復過無量恒河沙數劫爾時有佛名曼陀羅香如來我於彼佛為優婆塞身於彼佛所復得此咒得此咒已於四萬劫超生死際說此咒時得一切諸佛大慈大悲大喜大捨智慧藏法門以此法門力故能救一切衆生一切牢獄繫閉

杻械枷鎖臨當刑戮水火等難種種苦惱我恒救護令得解脫一切夜叉羅刹以此咒力令此羅刹皆發善心功德具足即發阿耨多羅三藐三菩提心我此神咒有如是力復有人犯四波羅夷及五逆罪能讀誦此咒一遍者一切根本重罪悉得除滅誦此咒者有如是功德況復有人依此經教受持咒者當知是人於萬萬億那由他那由他諸佛所曾聞此法今還得聞況復受持讀誦晝夜不忘者是人若心所念者我滿其願若復有人於十

第七

十五

四日朝或十五日以香湯洗浴其身著新淨
次一上廁一洗浴如此淨衣不得上廁屏行
此法時竟日不食至於明旦其道場中置觀
世音像懸雜色幡蓋香華供養初入道場時
必須殷重至心請十方諸佛懃懃懃懃懃懃
已訖在於像前敷一坐具胡跪恭敬至心誦
持此呪行此法者當知是人得四萬劫離生
死際世尊我如是觀世音菩薩名字難可得
聞若復有人稱十萬億諸佛名字或復有人
稱觀世音菩薩名字者彼二人福正等爾時

觀世音菩薩白佛言世尊若善男子善女人
及一切衆生晝夜懃懃稱我名者皆得阿毗
跋致地現身得離一切苦惱一切障難一切
怖畏及三業罪悉得除滅況復有人依此經
教如法修行當知是人即得阿耨多羅三藐
三菩提心如在掌中佛告觀世音菩薩摩訶
薩言善哉善哉善男子汝乃能於一切衆生
起大慈大悲心善男子當知汝等以此神力
救護一切衆生必得成就阿耨多羅三藐三
菩提心無有疑也佛告觀世音菩薩摩訶薩

言善男子如此神呪我亦受持我亦印可善
男子汝今說之爾時觀世音菩薩摩訶薩從
座而起偏袒右肩胡跪合掌右膝著地五體
投地頂禮佛足禮佛足已却坐一面白佛言
世尊我今當承佛神力而說呪曰

能七

十六

南無佛陀耶 南無達摩耶 南無僧伽耶
南無若那娑伽羅 毗盧遮那耶 多他伽
多耶 南無阿利耶跋路 吉帝攝婆羅耶
菩提薩埵耶 摩訶薩埵耶 摩訶伽樓臈
伽耶 南無薩婆多他伽帝毗耶 阿羅訶

陀毗耶 三藐三佛提毗耶 多姪他 唵
陀羅陀羅 地利地利 豆樓豆樓壹知跋
知 遮離遮離 鉢遮離鉢遮離鳩蘇咩
鳩蘇摩婆離 伊利彌利脂致闍羅摩波那
耶 冒地薩埵 摩訶伽盧尼迦耶 娑婆
訶
爾時觀世音菩薩白佛言世尊此呪有如是
神力最為上首復說呪曰
南無阿利耶 跋路 吉諦 攝婆羅耶
菩提薩埵耶 摩訶薩埵耶 多姪他 訶

訶訶訶 一離彌離 脂離毗離 詰離醯

離 娑婆訶

時觀世音菩薩白佛言世尊此呪名呪水呪
衣呪若復有人入道場時先以此呪呪水七
遍以浴其身浴其身已復以此呪呪衣七遍

能七

十七

著入道場

南無阿利耶跋路 吉羝攝婆羅耶 菩提

薩埵耶 摩訶薩埵耶 多姪他 晝樓晝

樓 訶訶訶訶 娑婆訶

此名呪香呪初入道場時呪香七遍然後乃

燒

南無佛陀耶 南無達摩耶 南無僧伽耶

南無阿利耶跋路 吉羝攝婆羅耶 菩提

薩埵耶 摩訶薩埵耶 摩訶伽樓尼伽耶

多姪他 私利私利地利 地利地利私利

娑婆訶

此名呪華呪油呪華散佛呪油然燈各呪百

遍

南無佛陀耶 南無達摩耶 南無僧伽耶

南無阿利耶跋路 吉羝攝婆羅耶 菩提

薩埵耶 摩訶薩埵耶 多姪他娑第 娑
第 娑地 娑地 藪荼藪荼 娑婆訶
此名呪食呪獻佛食時所有飲食及諸雜果
先呪二十一遍然後乃獻

南無佛陀耶 南無達摩耶 南無僧伽耶
南無阿利耶跋路 吉羝攝婆羅耶 菩提
薩埵耶 摩訶薩埵耶 摩訶伽樓尼伽耶
多姪他 訶私陀私 呼樓呼樓周樓 蘇
樓蘇樓 娑婆訶
此名呪火呪用蘇曼木然火別以蘇曼木寸

截三十一段用酪酥蜜三種和之取蘇曼木
一段塗酪酥蜜呪之一遍擲著火中盡三十
一段次第呪已然後如法修行

南無佛陀耶 南無達摩耶 南無僧伽耶

南無阿利耶跋路吉羝攝婆羅耶 菩提薩

埵耶 摩訶薩埵耶 摩訶伽樓尼伽耶

多姪他 伊利彌利 脂利彌利 提利醯

利 娑婆訶

此呪名結界呪或呪水用之散著四方或呪
芥子散著四方或呪淨灰散著四方各呪七

遍

南無佛陀耶 南無達摩耶 南無僧伽耶

南無阿利耶跋路 吉羝攝婆羅耶 菩提

薩埵耶 摩訶薩埵耶 摩訶伽樓尼伽耶

多姪他 賴致帝利脂致 伽車伽車 婆

伽畔 阿利耶跋路 吉羝攝婆羅耶 婆

婆婆能 娑婆訶

行道訖竟誦此呪七遍繞觀世音此呪別更有神力若有人患寒熱病者或一日一發或二日一發或三日一發以此呪之悉得除愈

若被惡鬼打之或被鬼子母所打或被羅刹女打之或被毗舍闍鬼打之或被富單那鬼打之或被顛鬼打之或患丁腫或患漏或體生瘡疱等用五色線作呪索一百八結清淨洗手燒妙好香誦呪一百八遍一呪一結繫其頸上或被蛇螫或蜈蚣螫一切毒蟲所螫者以黃土作泥呪之七遍塗其螫處悉得除愈若患風病呪酥七遍塗其患處并服之除愈或患偏風耳鼻不通以青木香用胡麻油樺皮上煮之并呪七遍塗其患處即得除愈

能七

十九

所有疾病用此咒治悉得除愈此咒神力說不可盡我依經教略而言之爾時觀世音菩薩摩訶薩白佛言世尊若有善男子善女人有能依觀世音教作法者彼善男子善女人須用白栴檀作觀世音像其木要須精實不得枯瘠身長一尺三寸作十一頭當前三面作菩薩面左廂三面作瞋面右廂三面似菩薩面狗牙上出後有一面作大笑面頂上一面作佛面悉向前後著光其十一面各戴華冠其華冠中各有阿彌陀佛觀世音左手把

澡瓶瓶口出蓮華展其右手以串瓔珞施無畏手其像身須刻出瓔珞莊嚴爾時其人造此像已欲求心中所願者從月一日入道場至十五日入道場時一上廁一洗浴須淨衣三具一日之中三時換衣於晨朝時著一具中時著一具向暮著一具其淨衣不著上屏行道之人一食長齋不食餘味唯食大麥乳糜安道場之處必須淨室泥拭鮮潔香泥塗地復以香水灑地在其室中量七肘地縱廣正等四角豎柱周帀懸幡處中施一高座置

觀世音像像面向西以種種華散其道場唯
燒沉水蘇合等香從一日至七日一日三時
誦呪晨朝誦一百八遍中時一百八遍向暮
一百八遍未須獻食從八日中時至十一日
日別一獻種種飲食及餘果子所獻之食不
著槃上唯敷淨草上置飲食於十四日十五
日倍加上妙香華以為供養種種餽饌及餘
雜果倍勝於前以為獻佛其行者唯敷莎草
為座胡跪恭敬面向正像於十四十五日在
其像前然梅檀火須蘇摩油一升淨銅器盛

之置行者前復須沉水香麝細如筋寸截滿
一千八段爾時行者從十五日中後取一沉
水段塗蘇摩油呪之一遍擲著梅檀火中如
是次第盡一千八段爾時行者於其二日全
不得食至十五日夜時觀世音來入道場其
梅檀像自然動搖其像動時三千大千世界
俱時震動其像頂上佛面出聲讚行者言善
哉善哉善男子我來看汝所有願者今悉滿
足時有四願其四者何一者願不離坐處即
得騰空而去自在無礙二者願在於一切賢

聖中得無障礙三者願作持呪仙人中王四
者願現身即得隨逐觀世音是名四願爾時
行者於四願中隨意乞者時觀世音即與一
願其四願中若不得已至後月十五日朝更
立道場於道場中置像一軀其中有舍利者
遂以十一面觀世音像置舍利像邊須華一
千八莖其行者在於像前敷草爲座胡跪恭
敬取其一華呪之一遍散著像上如是次第
盡一千八華盡其華已時觀世音像正前菩
薩面出大雷聲爾時行者安心定意不得恐

怖雷聲出時一切震動爾時行者口常誦呪
雷聲出時即當乞願發聲唱言南無觀世音
弟子何時能救一切衆生苦惱何時當能滿
一切衆生願時觀世音隨願即與當與願時
天龍八部諸鬼神等無能障難若月蝕時用
赤銅鉢盛牛酥三兩於其露地在觀世音像
前以黃土泥塗地團圓一尺五寸酥鉢置上
從初蝕時誦呪乃至是月還生如故然後始
休取其酥食須食盡竟不得留餘食此酥已
身中疾病悉得除愈用石雄黃雌黃二種等

分置草葉上在觀世音像前誦呪一千八遍
呪已和其煖水洗浴其身一切障難一切惡
夢一切疫病皆得除愈

若有他方怨賊欲來侵境以此觀世音像面
正向之種種香華而爲供養取胭脂大如大
豆誦呪一千八遍塗像左廂瞋面令彼怨敵
不能前進

若有國土人民疫病起時或有雜類一切畜
生疫病死時安置道場用白芥子壓取脂使
得一升取紫檀木大如筆管寸截滿一千八

段先於像前然紫檀火其人取紫檀一段塗
白芥子脂呪之一遍擲之火中盡其段數皆
呪一遍擲著火已能使一切疫病悉得除愈
復取緋線一呪一結乃至七結稱名願爲國
中疫病悉得除愈以此呪索於最上佛頸邊
繫著是諸災疫皆悉得除除已解去呪索^{廿二}
若有人被他厭禱蠱道呪詛因即成病如是
病者在於像前用其緋綫一呪一結呪之七
遍使作七結繫著像頂經由一宿取繫病人
即得除愈

若有人卒得狂病用其白縵作二十一結呪
二十一遍在於像前更呪一百八遍繫著此
像正前頂上經由一宿取繫病人頸若過二
日不差還取呪索更呪一百八遍絞著像頸
復經一宿取繫病人即得除愈

若有惡鬼入人宅中須薰陸香一百八顆在
於像前顙呪一遍置著火中盡此香已所有
惡鬼自然散走不敢停住

若有怨讎伺求人便取其白縵在於像前結
作一百八結呪之一百八遍繫像左廂瞋面

頂上經由一宿解取此索稱彼怨讎名字一
稱一截乃盡一百八結恒稱是人所作不成
若有人相瞋恨者取五色縵作呪索於像前
呪之繫著左廂瞋面頂上經由一宿解取自
繫令彼瞋者自然和解

若有人欲求善事取五色縵能七結作呪索在於
像前呪之七遍繫著正前面頂上經由一宿
解取繫身所求如意

若有人自知身中有障難者須種種和香塗
其像身復以香水洗浴其像洗浴像已還取

佛說十一面觀世音神咒經

此咒呪之一百八遍自浴其身自浴身已一切障難自然消滅說此品時一切大衆同時讚言善哉善哉觀世音大士乃救護一切衆生說大神呪我等大衆亦當受持說此經已彼諸大衆一時俱起繞佛三匝作禮而去

此經

名金剛大道場神呪有十萬偈成部略出十一面觀世音一品

音釋

冤奴侯切蹉七何切噤巨系切埤延移切鞮都奚切
隼思尹切齧五各切穰音箱紫音抵羝都奚切
庖皮教切瘡也切瘰去協切樞居良切